

ODLUKA

**O PRIHVATANJU ZADUŽENJA PO UGOVORU O ZAJMU I PROJEKTU
IZMEĐU KREDITANSTALT FÜR WIEDERAUFBAU (KfW)
FRANKFURT NA MAJNI, BOSNE I HERCEGOVINE, FEDERACIJE
BOSNE I HERCEGOVINE I OPĆINA TUZLA I ZENICA ZA REALIZACIJU
PROJEKTA VODOSNABDIJEVANJA I ZBRINJAVANJA OTPADNIH
VODA U BOSNI I HERCEGOVINI II**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Parlament Federacije Bosne i Hercegovine je na sjednici Predstavničkog doma, održanoj 26.6.2014. godine, i na sjednici Doma naroda, održanoj 30.6.2014. godine, donio

ODLUKU

O PRIHVATANJU ZADUŽENJA PO UGOVORU O ZAJMU I PROJEKTU IZMEĐU KREDITANSTALT FÜR WIEDERAUFBAU (KfW) FRANKFURT NA MAJNI, BOSNE I HERCEGOVINE, FEDERACIJE BOSNE I HERCEGOVINE I OPĆINA TUZLA I ZENICA ZA REALIZACIJU PROJEKTA VODOSNABDIJEVANJA I ZBRINJAVANJA OTPADNIH VODA U BOSNI I HERCEGOVINI II

I.

Prihvata se zaduženje Federacije Bosne i Hercegovine (u daljnjem tekstu: Federacija) po Ugovoru o zajmu i projektu između Kreditanstalt für Wiederaufbau (u daljnjem tekstu: KfW) Frankfurt na Majni, Bosne i Hercegovine (u daljnjem tekstu: BiH), Federacije i općina Tuzla i Zenica u iznosu do 11.000.000,00 EUR-a.

II.

Sredstva zajma iz tačke I. ove odluke koristit će se za realizaciju Projekta vodosnabdijevanja i zbrinjavanja otpadnih voda u Bosne i Hercegovine II za Općinu Tuzla u iznosu do 6.250.000,00 EUR-a i Općinu Zenica u iznosu do 4.750.000,00 EUR-a.

Primarni cilj Projekta je rekonstrukcija vodozahvata, rezervoara i pumpnih stanica, te vodovodnih cijevi u distributivnoj mreži, a sve kako bi se smanjili gubici i olakšalo praćenje gubitaka, te osiguralo sigurno i kvalitetno vodosnabdijevanje bez redukcija; poboljšanje odvodnje otpadnih voda, produženje postojećih kolektora, priključenje jednog broja kanalizacionih mreža na njih, te izgradnja kišnih preliva.

III.

Sredstva zajma iz tačke I. ove odluke odobravaju se Federaciji pod sljedećim uvjetima:

- iznos zajma.....11.000.000,00 EUR-a
- rok otplate.....15 godina
- grace period.....3 godine
- naknada za neiskorištena sredstva.....0,25% godišnje
- kamatna stopa.....utvrđena na bazi efektivni troškovi refinansiranja KfW na tržištu kapitala za euro +/- marža i utvrđuje se na dan potpisivanja Ugovoru o zajmu i projektu
- naknada za upravljanje zajmom je0,5 % jednokratno
- dospjeća.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine
- iz kreditnih sredstava se ne mogu plaćati carine, porezi i druge dažbine.

IV.

Potvrđuje se da je razmatrana dokumentacija prihvatljiva za Federaciju a posebno:

- Nacrt Ugovora o zajmu i projektu između KfW, BiH, Federacije i općina Tuzla i Zenica;
- Nacrt Supsidijarnog sporazuma o zajmu i projektu između BiH i Federacije;
- Nacrt Podugovora o zajmu i projektu između Federacije i Općine Tuzla;
- Nacrt Podugovora o zajmu i projektu između Federacije i Općine Zenica;
- Nacrt Podugovora o zajmu i projektu između Federacije i JP Vodovod i kanalizacija d.o.o. Zenica.

V.

Sredstva zajma iz tačke I. ove odluke Federacija će na kreditnom osnovu prenijeti na općine Tuzla i Zenica i JP Vodovod i kanalizacija d.o.o. Zenica koji su krajnji korisnici i dužnici po zajmu, i to:

- Općina Tuzla	6.250.000,00 EUR
- Općina Zenica	1.150.000,00 EUR
- JP Vodovod i kanalizacija d.o.o. Zenica	<u>3.600.000,00 EUR</u>
UKUPNO :	11.000.000,00 EUR

U periodu implementacije Projekta u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija da sa općinama Tuzla i Zenica i JP Vodovod i kanalizacija d.o.o. Zenica usaglasi i sklopi odgovarajuće podugovore o zajmu kojim će u svrhu redovne otplate definirati uvjete vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije, Podugovora o zajmu između Federacije i općina Tuzla i Zenica i JP Vodovod i kanalizacija d.o.o. Zenica za sredstva iz tačke I. ove odluke.

Za potpisivanje Supsidijarnog ugovora i Podugovora o zajmu i projektu ovlašćuje se federalni ministar finansija.

VIII.

Za realizaciju ove odluke i izvještavanje zadužuju se Federalno ministarstvo finansija i općine Tuzla i Zenica, svako u okviru svoje nadležnosti.

IX.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

X.

Ova odluka stupa na snagu narednog dana od dana objavljivanja u "Službenim novinama Federacije BiH".

PF broj: 01,02-02-630/14
30. juna 2014. godine
S a r a j e v o

**PREDSJEDAVAJUĆI
DOMA NARODA
PARLAMENTA FEDERACIJE BIH**

Tomislav Martinović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH**

Safet Softić